

**Zeitschrift:** Appenzeller Kalender  
**Band:** 217 (1938)

**Artikel:** Bis use röschtig  
**Autor:** Keller, Paul  
**DOI:** <https://doi.org/10.5169/seals-375054>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 04.04.2025

**ETH-Bibliothek Zürich, E-Periodica, <https://www.e-periodica.ch>**

# Krisezit.

Von Alfred Hugenberg.

Mir lebed in ere Krisis ine,  
Es fehlt divorne, es fehlt dihine.  
Schier jede Stand hät sini Schuur,  
Und wie me ghört, ist die Gschicht vo Duur.

Zum Glück hä' mir üfi Lag durblickt,  
Me sait üs, was is ploget und zwickt;  
I jeder Zitig liest's jedes Ghind,  
Daf d'Krise ehnder wächst weder schwynt.  
Wenn zwee sich treffed, verzelleds fei Gschichte,  
Me cha so schön vo der Krisis brichte!  
Mir tüend is schier woll dra, sie wär is chum feil,  
Und d'Fästredner lebed devo zum Teil.

De Schuehmacher hät im Bett e fei Ruch,  
De Bata hocht uf ein ue!  
Me bring i där windige Zit nu schier  
's Gält nümefürs Jagdrevier.

De Großpuur chlagt über d'Milchmijäre,  
Me mües de Rappe hüt siebe mol chehre;  
E Zuekunft, es sei dem Tüüfel nid z'traue —  
Am Huus ist e=Autogarafsch a'paue.

De Ruchständler schimpft wie en Rohrspaz him Tasse:  
„Mei — hütigtags, do vergoht eim 's Gspasse!  
Jez sött ich — mues ein nid 's Hirni verlüüre? —  
Mi zähtuusigränktig Pangfönli verstüüre!“

E Müetti chräits scho dem Säugling i d'Ohre:  
„Hest, Büebli, du bist halt zum Ohrampfe gebore!  
Traum nie vom Glück — o Träume sind Schäume!“  
(Me tänkt a 's Negerwib vom Seume.)  
„No schier für öppis ha mues me's halt,  
Daf eim 's Armeguet wenigstes 's Radio zallt!“

En Kaufme hät Bsuech. Der Frau macht's Beschwerde,  
E Rechnig sött begliche werde;  
's Betreffniß ist jo nid bsunders groß,

Ejo um die vierhundert Fränkli bloß.  
„Hüt chan i's Ihne uf Ehr nid gäh —  
Sie müend halt uf d'Krise Rücksicht näh.“  
Dem Reisede isch es ernstlech leid:  
„Mer warted gwüß gern, es macht is Freud,  
Das Böstli ist jo nonig lang fellig.  
Und jeh? — Git's vilecht e netti Bstellig?“  
„E Bstellig mache? I so=nere Zit?  
Sie sind jo verstört: es lauft suber nüt!  
Gwüß, 's tuet eim mängsmol in Ohre surre,  
Immer goht's hert am Verzwyfle dure.  
D'Krise — d'Krise — die schyndt halt h!“  
„Nu guet — me chunt jo wieder vorh.“ —  
Und de Herr Gemahl? Ist er nid in Gänge?  
I tät en gern zu'me Schöppli zwänge.“  
„De Max? Er ist ebe nid z'spreche hüt,  
Er macht e chlyners Reizli mit.  
Die Gesellschaftsfahrte sind eifach bequem:  
Marokko, Egypte, Jerusalem!  
Wenn's därrigi Glegeheite git,  
So mues ein doch mittue, scho wegem Kredit.“

De Heiri chunt vo' me Matsch noch Huus,  
Er gseht e chli verdrießlech us.  
„E Lumpenornig, ich säge nu da —  
Me lebt bloß, daß me sich ärgere cha!  
's größt Zueßball-Ereigniß im Kanton,  
Und Mangel an Organifazion!  
E so en Staat verdienet e Drüü:  
De Platz e Chripf und d'Tribüne z'chly!  
Und 's wär doch z'mache, i wett nüt säge,  
En einzigs Hügeli müekt me=abträge.  
D'Schwyz hett no Berge gnueg wege desse —  
Mit was söll 's Volk denn hüt d'Krisis vergesse?  
Am läze=Ort wird allewil gschunde:  
Drh gtuusig händ kein Stehplatz me gfunde!“  
(Pfeffermünz.)

## Läh g'rote.

's Marieli hät zum Ruedi gseit:  
„Hüt könnstich nöb errote,  
Wie eppes Guets und wo di freut  
D'Muetter z'Mittag tuet brote.“

De Ruedi rotet hin und her  
Und will das Ding ergründe,  
Doch schint's em, es ischt erber schwer,  
Das Gheimnis usz'finde.

Er rotet lang uf Mord und Brand —  
Was will er sich lang bloge?  
Er reißt i d'Stube kurzerhand  
Und will de Vater froge.

De Vater weiß, es git hüt Hirn,  
Und will de Klin druslupfe,  
Tuet mit sim Finger uf si Stirn  
E paarmol düttlig tupfe.

Do seit de Klin: „Juhée, juhée!  
Jez isch mir endlig grote;  
Hüt z'Mittag wird's en Kalbskopf geh,  
Jez mueß i nümefürs rote.“  
Schlyfertobelsepp.

## Bis use röschtig.

I jüngere Johre ment mer denn:  
E so vo de Sechzge=aa  
Wellmer's, wemmer's hei ond chönn,  
Efengs e chli ringere haa.

Denn aber schäffelecht all drofzue  
Im gliche Tramp ond Trott,  
Wil ebe=au bim Müntetue  
D'Zit faicht nüd omme wott. —

Zmool steerbicht, ond selb hescht münte meh  
Vom Loh ond vom Erlöös ...  
Joo no! — Bis use röschtig see  
Sicht halt au näbes Schööz.

Paul Keller.